

吳伯雄
編

陳壽祺全集

⑪



廣陵書社

陳壽祺全集

 廣陵書社

第十一冊

齊詩遺說考四卷 清陳壽祺撰 清陳喬樞述

.....

齊譜
與譜
支

齊詩遺說攷自叙

漢置五經博士詩魯齊韓三家竝立學官所以扶微學廣
異義也漢書藝文志載詩經齊家二十八卷齊后氏故三十
十卷孫氏故二十七卷齊后氏傳三十九卷孫氏傳二十
卷齊雜記十八卷隋書經籍志云齊詩魏已亡是三家詩
之失傳齊爲最早魏晉以來學者尠有肄業及之者矣宋
王厚甫所撰詩攷其於齊詩僅據漢書地理志及匡衡蕭
望之傳與後漢書伏湛傳中語錄入數事寥寥寡證閱據
晁說之董彥遠說往往持論不根難以徵信近世余蕭客
范家相盧文弨王暮馮登府諸君皆續有採輯然擇焉不

精語焉不詳於齊詩專家之學究未能尋其端緒也先大夫曩蒐討三家遺說與毛氏異同者爲之參互攷證緝而未成命喬樅卒業焉竊攷漢時經師以齊魯爲兩大宗文景之際言詩者魯有申培公齊有轅固生春秋論語亦皆有齊魯之學此其大較也先大夫嘗言漢儒治經最重家法學官所立經生遞傳專門命氏咸自名家三百餘年顯於儒林雖詩分爲四春秋分爲五文字或異訓義固殊要皆各守師法持之弗失審固而不肯少變斯亦古人之質厚賢於季俗之逐波而靡也喬樅比補緝齊詩佚文佚義於經徵之儀禮大小戴禮記於史徵之班固漢書荀悅漢

紀於諸子百家徵之董仲舒春秋繁露焦贛易林桓寬鹽
鐵論荀悅申鑒諸書皆確有證據不逞私臆之見不爲附
會之語蘄於實事求是而已夫轅生以治詩爲博士諸齊
以詩貴顯者皆固之弟子而昌邑太傅夏侯始昌最明始
昌通五經后蒼事始昌亦一禮爲博士訖孝宣世禮學
后蒼最明戴德戴聖慶普皆其弟子三家立于學官詩禮
師傳旣同出自后氏則儀禮及二戴禮記中儀禮
當爲齊詩之文矣鄭君本治小戴禮注禮在箋詩之前未
得毛傳禮家師說均用齊詩鄭君據以爲解知其所述多
本齊詩之義故鄭志答吳棣云坊記注以燕燕爲夫人定

姜之詩先師亦然先師者謂禮家師說也齊詩有翼匡師
伏之學班固之從祖伯少受詩於師丹誦說有法故叔皮
父子世傳家學漢書地理志引子之營兮及自杜沮漆竝
據齊詩之文又云陳俗巫鬼晉俗儉陋其語亦與匡衡說
詩合是其驗已荀悅叔父爽師事陳寔寔子紀傳齊詩見
陸德明經與釋文後漢書言荀爽嘗著詩傳爽之詩學大
邱所授其爲齊學明矣轅固生作詩內外傳荀悅特著於
漢紀尤足證荀氏家學皆治齊詩故言之獨詳耳至如公
羊氏本齊學治公羊春秋者其於詩皆脩齊猶之穀梁氏
爲魯學治穀梁春秋者其於詩亦脩魯也董仲舒通五經

治公羊春秋與齊人胡毋生同業則習齊可知易有孟京
卦氣之候詩有翼奉五際之要尙書有夏侯洪範之說春
秋有公羊災異之條皆明於象數善推禍福以著天人之
應淵源所自同一師承確然無疑孟喜從田王孫受易得
易家候陰陽災變書喜卽東海孟卿子焦延壽所從問易
者是亦齊學也故焦氏易林皆主齊詩說豈僅甲戌己庚
達性任情之語與翼氏齊詩言五性六情合亥午相錯敗
亂緒業之辭與詩汜厯樞言午亥之際爲革命合己哉若
夫桓寬鹽鐵論以周南之且兔爲刺義與魯韓毛迥異以
邶風之鳴雁爲雅文與魯韓毛竝殊又其顯然易見者耳

齊言通言
夫以二千餘年湮沒無傳之絕學墜緒茫茫苟能獲其單
詞隻義已不啻吉光片羽良可寶貴況乎沿流溯源尙有
涯涘之可尋則雖未足以盡梗概而其佚時時見於他說
者猶存什一於千百抑不可謂非幸也喬樅敬承先訓成
齊詩遺說攷四卷爰識大畧以就正博聞君子惟匡其不
逮焉
道光二十有二年孟夏初吉福州陳喬樅叙于仙
谿金石書院之講堂

齊詩遺說攷目錄

國風卷第一

周南召南 一之一

邶庸衛 一之二

王風至唐風 一之三

秦風至豳風 一之四

小雅卷第二

鹿鳴至吉日 二之一

鴻雁至卷伯 二之二

谷風至何草不黃 二之三

太雅卷第三

文王至文王有聲三之一

生民至角閔三之二

頌卷第四

周頌四之一

魯頌四之二

商頌四之三

齊詩敘錄

侯官陳喬樞學

轅固生

史記儒林傳清河王太傅轅固生者齊人也以治詩孝景時爲博士竇太后好老子書召固問固曰此是家人言耳太后怒罷之居頃之景帝以固爲廉直拜清河王太傅久之病免今上初卽位復以賢良徵固諸諛儒多疾毀固曰固老罷歸之時固已九十餘矣固之徵也薛人公孫宏亦徵側目而視固固曰公孫子務正學以言無曲學以阿世自是之後齊言詩者皆本轅固生諸齊人以詩貴顯皆固

之弟子也

喬樸謹案漢書儒林傳云固之弟子昌邑太傅夏侯
最明陸璣毛詩草木疏云公孫宏亦事固固授
也太傅夏侯始昌始授東海剡人后蒼然則公
宏亦固之弟子也又漢書藝文志云詩經齊家二
十八卷齊后氏故二十卷齊孫氏故二十七卷齊后
氏傳三十九卷齊孫氏傳二十八卷齊雜記十八卷
據藝文志言齊轅固爲之傳荀悅漢紀亦言轅固生
作詩內外傳是齊詩之有內傳外傳也明甚志敘六
家祇有后氏孫氏而不及轅生者蓋后氏故傳卽本

諸轅生也后氏故二十卷而后氏傳多至三十九卷
殆合內外傳言之歟

夏侯始昌

漢書夏侯始昌傳始昌魯人也通
自董仲舒韓嬰死後武帝得始昌
先言柏梁臺災日至期日果災時昌已王以少子愛上爲
選師始昌爲太傅年老昌壽終族子勝亦昌儒顯名

后蒼

漢書儒林傳后蒼字近君東海鄉人也事夏侯始昌始昌
通五經蒼亦通詩禮爲博士至少府
翼奉蕭望之匡衡

奉爲諫大夫望之前將軍衡丞相皆有傳

孫氏

漢書藝文志齊孫氏故二十七卷齊孫氏傳二十八卷

喬樅謹案孫氏著齊詩故傳卷帙至五十五卷之多
可謂博而詳矣惜儒林傳不載其人名字遂佚不可
攷又志載齊雜記十八卷惜亦不著撰人姓名

翼奉

漢書翼奉傳奉字少君東海下邳人也與蕭望之匡衡同
師三人經術皆明衡爲後進望之施之政事而奉惇學不
仕好律歷陰陽之口元帝初即位諸儒薦之徵待詔宦者